

## **EKO ŽIVOT d.o.o. Tuzla – Šampion zaštite prirode 2018. u kategoriji poslovni subjekti/preduzeća**

Eko život d.o.o. Tuzla je ovlaštenu BH operater sistema za upravljanje ambalažom i ambalažnim otpadom na području Federacije BiH. Strateško opredjeljenje jeste da se upravljanje ambalažom i ambalažnim otpadom zasniva na iskustvima Evropske unije, što uključuje sakupljanje, sortiranje, povrat, iskorištenje i recikliranje ambalaže i ambalažnog otpada. Eko život će se baviti svim ekološkim projektima i posredovanjem društveno odgovornih programa za poboljšanje i unapređenje okoliša i života u boji prirode.

**VIZIJA** „EKO ŽIVOT d.o.o. Tuzla stvara uvjete i nastoji da postane lider u pružanju najkvalitetnijih usluga korisnicima u oblasti upravljanja ambalažnim otpadom i da opravda povjerenje za ispunjenje propisanih ciljeva. Usluge najvišeg kvaliteta i vrijednosti obezbjeđujemo vodeći računa o potrebama svih korisnika i društvene zajednice u cjelini. Odlučni smo za poduzimanje mjera za smanjivanje, ponovno iskorištavanje i recikliranje ambalaže i ambalažnog otpada, kao jedne od strateških odrednica održivog upravljanja prirodnim resursima i zaštite okoliša.“

EKO ŽIVOT d.o.o. Tuzla u ime subjekata, koji su prenijeli svoje obaveze na ovog ovlaštenog operatera sistema, upravlja ambalažom i ambalažnim otpadom te obezbjeđuje:

1. Da sakupljač ambalažnog otpada redovno preuzima komunalni ambalažni otpad i vrši njegovo selektivno razdvajanje;
2. Da redovno preuzima i sakuplja ambalažni otpad od krajnjih korisnika koji nije komunalni otpad;
3. Ponovno iskorištenje ambalažnog otpada za reciklažu u ovlaštenim postrojenjima i odlaganje neiskoristivog dijela ambalažnog otpada na kontrolisanim regionalnim ili općinskim odlagalištima;
4. Otpremanje ambalažnog otpada koji sadrži ostatke opasnih tvari ili je onečišćen opasnim tvarima inostranim reciklažerima.

Eko život d.o.o. Tuzla realizuje veliki broj projekata širom Bosne i Hercegovine, a samo neki od njih su:

- 5 zelenih otoka u općini Grude;
- Općina Travnik dobija 10 zelenih otoka;
- „Zajedno za čiste vode BIH“ akcije čišćenja rijeka;
- Uljepšajmo zajedno Soni trg u Tuzli.

